

史學輯佚文獻彙編

翟金明 主編

國家圖書館出版社

43

晉世家索隱
二諸侯年表引同
名軌左桓元年正義

穀梁疏

史學輯佚文獻彙編

43

中國書局出版

第四十三冊目錄

編年類(三)

魏氏春秋評	(晉)孫盛撰	(清)嚴可均輯	二
魏氏春秋異同評	(晉)孫盛撰	(清)嚴可均輯	二八
晉孫盛魏春秋一卷	(晉)孫盛撰	(清)黃奭輯	三三
陸機晉書一卷	(晉)陸機撰	(清)黃奭輯	三七
陸機晉紀一卷	(晉)陸機撰	(清)湯球輯	四五
曹嘉之晉紀一卷	(晉)曹嘉之撰	(清)黃奭輯	四七
曹嘉之晉紀一卷	(晉)曹嘉之撰	(清)湯球輯	五三
干寶晉紀一卷	(晉)干寶撰	(清)黃奭輯	五七
干寶晉紀一卷	(晉)干寶撰	(清)湯球輯	一五九
干寶晉紀二卷	(晉)干寶撰	陶棟輯	
卷上			一二一

卷下 二三一

晉陽秋一卷 (晉)庾翼撰 二三七

晉春秋 (晉)庾翼撰 二四一

晉庾翼晉陽秋一卷 (晉)庾翼撰 (清)黃奭輯 二四三

習鑿齒漢晉春秋一卷 (晉)習鑿齒撰 (清)黃奭輯 二四七

習鑿齒漢晉春秋三卷 (晉)習鑿齒撰 (清)湯球輯

卷一 三四七

卷二 三五五

卷三 四一五

漢晉春秋一卷 (晉)習鑿齒撰 (清)王仁俊輯 四二五

鄧粲晉紀一卷 (晉)鄧粲撰 (清)黃奭輯 四二七

鄧粲晉紀一卷 (晉)鄧粲撰 (清)湯球輯 四五五

晉紀一卷 (晉)鄧粲撰 (清)陳運溶集證 四七七

晉陽秋評 (晉)孫盛撰 (清)嚴可均輯 五一五

(晉)孫盛撰
(清)嚴可均輯

魏氏春秋評

清光緒二十年(1894)黃岡王氏刻《全晉文》本

魏氏春秋評

曹公征陶謙所過多所殘戮

夫伐罪弔民古之令軌罪謙之由而殘其屬部過矣

魏志武帝紀注

曹公哭袁紹墓

昔者先王之爲誅賞也將曰懲惡勸善永彰墜戒紹因世艱危遂

懷逆謀上議神器下干國紀荐社污宅古之制也而乃盡哀于逆臣之冢加恩于饕殄之室爲政之道于斯墮矣夫陸怨友人前哲所恥阮駕舊館義無虛涕苟道乖好絕何哭之有昔漢高祖失之于項氏魏武遵謬于此舉豈非百慮之一失也

魏志武帝紀注

田豐

觀田豐沮授之謀雖良平何昌過之故君貴審才臣尚量主君用忠良則伯王之業降臣奉闇君則覆亡之禍至存亡榮辱常必由茲豐知紹將敗敗則己必死甘冒虎口已盡忠規烈士之于所事慮不存已夫諸侯之臣義有去就況豐與紹非純臣乎詩云逝將去汝適彼樂土言去亂邦就有道可也

魏志袁紹傳注

韓浩斬劫質者

案光武紀建武九年盜劫陰貴人母弟吏已不得拘質迫盜盜遂殺之也然則合擊者乃古制也自安順已降政教陵遲劫質不避

王公而有司莫能遵奉國憲者。浩始復斬之。故魏武嘉焉。魏志夏侯惇傳

華歆迎降孫策爲策上賓

夫大雅之處世也。必先審隱顯之期。已定出處之分。否則括囊。已保其身。泰則行義。已達其道。歆既無夷皓韜邈之風。又失王臣匪躬之操。故撓心于邪儒之說。交臂于陵肆之徒。位奪于一豎。節墮于當時。皆許蔡失位。不得列于諸侯。州公實來。魯人。已爲賤恥。方之于歆。咎孰大焉。魏志華歆傳注

華歆嫁賜生口

戚聞慶賞。威刑必宗于主。權宜宥恕。出自人君。子路私饋。仲尼毀其食器。田氏盜施。春秋著已爲譏。斯褒貶之成言。已然之顯義也。孥戮之家。國刑所肅。受賜之室。乾施所加。若在哀矜。理無偏宥。歆居股肱之任。同元首之重。則當公言皇朝。已彰天澤。而默受嘉賜。

獨爲君子旣化作福之嫌又違必去之義可謂匹夫之仁蹈道則未也

魏志華
歆傳注

曹公哀子冲謂諸子此我之不幸而汝曹之幸

春秋之義立嫡已長不曰賢冲雖存也猶不宜立況其旣沒而發斯言乎詩云無易由言魏武其易之也

魏志鄧哀
王冲傳注

文聘

資父事君忠孝道一威霸少有孝烈之稱文聘著垂泣之誠是已魏武一面委之已一方之任豈直壯武見知于倉卒之間哉

魏志
文聘

注傳

曹公掾屬往往加杖何憂畜毒藥誓死無辱

夫君使臣已禮臣事君已忠是已上下休嘉道光化洽公府掾屬古之造士也必擢時雋搜揚英逸得其人則論道之任隆非其才則覆餗之患至苟有疵釐刑黜可也加其捶扑之罰肅已小懲之

戒豈導之曰德齊之曰禮之謂與然士之出處宜度德投趾可不
乏節必審于所蹈故高尚之徒抗心于青雲之表豈王侯之所能
臣名器之所羈縻哉自非此族委身世塗否泰榮辱制之由時故
箕子安于孥戮柳下夷于三黜蕭何周勃亦在縲紲夫豈不辱君
命故也夔知時制而甘其寵挾藥要君已避微恥詩云唯此褊心
何夔其有焉放之可也宥之非也

魏志何夔傳注

和洽論選用不宜專尚儉節

昔先王御世觀民設教雖質文因時損益代用至于車服禮秩貴
賤等差其歸一揆魏承漢亂風俗侈泰誠宜仰思古制訓曰約簡
使奢不陵肆儉足中禮進無蜚螭之制退免采芣之譏如此則治
道隆而頌聲作矣夫矯枉過正則巧偽滋生呂克訓下則民志險
隘非聖王所曰陶冶民物閑邪存誠之道和洽之言于是允矣

魏志

和洽傳注

張遼守合肥

夫兵固詭道，奇正相資。若乃命將出征，推轂委權，或賴率然之形，或憑犄角之勢。羣帥不和，則棄師之道也。至于合肥之守，縣弱無援，專任勇者，則好戰生患；專任怯者，則懼心難保。且彼眾我寡，必懷貪墮。已致命之兵，擊貪墮之卒，其勢必勝。勝而後守，守則必固。是已魏武推選方員，參已同異，爲之密教，節宣其用。事至而應，若合符契，妙矣夫。

魏志張遼傳注

趙儼任詐

威聞爲國已禮，民非信不立。周成不棄桐葉之言，晉文不違伐原之誓，故能隆刑措之道，建一匡之功。儼既詐留千人，使效心力，始雖權也，宜已信終。兵威既集，而又逼徙，信義喪矣。何已臨民。

魏志趙儼

曹公融毛玠

魏武于是失政刑矣。易稱明庶折獄。傳有舉直措枉。庶獄明則國無怨民。枉直當則民無不服。未有徵青蠅之浮聲。信浸潤之譖訴。可已允釐四海。惟清緝黜者也。昔者漢高獄蕭何。出復相之。玠之一責。永見擯放。二主度量。豈不殊哉。魏志毛玠傳注

文帝幸鄴東城門爲夏侯惇發哀

在禮天子哭同姓于宗廟門之外。哭于城門。失其所也。魏志文帝紀注

文帝居喪大饗

昔者先王之已孝治天下也。內節天性。外施四海。存盡其敬。亡極其哀。思慕諒闇。寄政冢宰。故曰三年之喪。自天子達于庶人。夫然故在三之義。惇臣子之恩。篤雍熙之化。隆經國之道。固聖人之所已通天地。厚人倫。顯至教。敦風俗。斯萬世不易之典。百王服膺之制也。是故喪禮素冠。卽人著庶見之譏。宰子降柩。仲尼發不仁之歎。子積忘戚。君子已爲樂禍。魯侯易服。春秋知其不終。豈不已隆。

至痛之誠心喪哀樂之大節者哉故雖三季之末七雄之弊猶未
有廢縗斬于旬朔之間釋麻杖于反哭之日者也逮于漢文變易
古制人道之紀一旦而廢縗素奪于至尊四海散其過密義感闕
于羣后大化墜于君親雖心存貶約慮在經綸至于樹德垂聲崇
化變俗固已道薄于當牟風積于百代矣且武王載主而牧野不
陣晉襄墨縗而三帥爲俘應務濟功服其焉害魏王既追漢制替
其大禮處莫重之哀而設饗宴之樂居詒厥之始而墜王化之基
及至受禪顯納二女忘其至恤呂誣先聖之典天心喪矣將何呂
終是呂知王齡之不遐卜世之期促也

魏志文
帝紀注

蘇則事魏聞魏代漢呂爲漢帝崩因在郡發喪

夫士不事其所非不非其所事趣舍出處而豈徒哉則旣策名新
朝委質異代而方懷二心生忿欲奮爽言豈大雅君子去就之分
哉詩云士也罔極二三其德士之二三猶喪匹耦況人臣乎

魏志
蘇則

注傳

禁婦人與政

夫經國營治必憑俊哲之輔賢達合德必居參亂之任故雖周室之威有婦人與焉然則坤道承天南面固二三從之禮謂之至順至于號令自天子出奏事專行非古義也昔在申呂實匡有周苟曰天下爲心惟德是杖則親疏之授至公一也何至后族而必斥遠之哉二漢之季世王道陵遲故令外戚憑寵職爲亂階于此自時昏道喪運祚將移縱無王呂之難豈乏田趙之禍乎而後世觀其若此淡懷酖毒之戒也至于魏文遂發一概之詔可謂有識之爽言非帝者之宏議

魏書文
帝紀注

陳羣等止明帝送葬

夫窀穸之事孝子之極痛也人倫之道于斯莫重故天子七月而葬同軌畢至夫曰義感之情猶盡臨隧之哀況乎天性發中敦禮

者重之哉。魏氏之德，仍世不替矣。昔堦元厚葬，君子曰：爲棄君于

惡羣等之諫，集就世焉。

魏志文
前紀注

魏諸后皆起自幽賤

古之王者，必求令淑。呂對揚至德，恢王化于關雎，致滔風于麟趾。及臻三季，竝亂絃緒。義呂情溺，位由寵昏，貴賤無章，上陵下替。興衰隆廢，皆是物也。魏自武王，暨于烈祖，三后之升，起自幽賤。本既卑矣，何曰長世？詩云：綈兮綈兮，淒其日風。其此之謂乎。

魏志明悼
毛后傳注

鍾繇王肅著論曰：司馬朗爲伊顏之徒。

繇既失之，朗亦未爲得也。昔湯舉伊尹，而不仁者遠矣。易稱：顏氏之子，其殆庶幾乎？有不善，未嘗不知，知之未嘗復行。由此而言，聖人之與大賢，行藏道一，舒卷斯同。御世垂風，理無降異。升泰之美，豈俟積世哉？善人爲邦百年，亦可曰勝殘去殺。又曰：不踐迹，亦不入于室。數世之論，其在斯乎？方之大賢，固有閒矣。

魏志司馬
朗傳注

明帝封諡嬖女爲之立後

于禮婦人既無封爵之典況于孩末而可建呂大邑乎惠自異族
援繼非類匪功匪親而襲母爵違情背典于此爲甚陳羣雖抗言
楊阜引事比竝然皆不能極陳先王之禮明封建繼嗣之義忠至
之辭猶有關乎詩云赫赫師尹民具爾瞻宰輔之職其可略哉

魏志
文昭
后傳注

魏諸王同匹夫

異哉魏氏之封建也不度先王之典不思藩屏之術違敦睦之風
背維城之義漢初之封或權侔人主雖云不度時勢然也魏氏諸
侯陋同匹夫雖懲七國矯枉過也且魏之代漢非積德之由風澤
既微六合未一而彫翦枝幹委權異族勢同蠹木危若巢幕不爾
忽諸非天喪也五等之制萬世不易之典六代興亡曹叡論之詳
矣

魏志陳思
王傳注

王肅請稱漢帝爲皇曰配其諡

化合神者曰皇德合天者曰帝是故三皇創號五帝次之然則皇之爲稱妙于帝矣肅謂爲輕不亦謬乎

魏志王肅傳注

陳羣諫營宮室

周禮天子之宮有野籜之制然質文之飾與時推移漢承周秦之弊宜敦簡約之化而何崇飾宮室示侈後嗣此乃武帝十門萬戶所曰大興豈無所復增之謂邪況乃魏氏方有吳蜀之難四海羅塗炭之艱而述肅何之過議曰爲令軌豈不惑于大道而昧得失之辨哉使百代之君眩于奢侈之中何之由矣詩云斯言之玷不可爲也其斯之謂乎

魏志陳羣傳注

有司豫定明帝廟號

夫諡曰表行廟曰存容皆于既沒然後著焉所曰原始要終曰示百世者也未有當年而逆制祖宗未終而豫自尊顯昔華樂曰厚